

JP Nacionalni park „Una“ d.o.o. Bihać
Ul. Bosanska br. 1.
77 000 B I H A Ć
Nadzorni odbor
Broj: 02-3411-4/18
Bihać, 12.12.2018. godine

Na temelju člana 16., a u vezi sa članom 9. stav 2. tč. 1. Zakona o Nacionalnom parku „Una“ („Službene novine Federacije BiH“ broj: 44/08) i člana 38. Statuta JP Nacionalni park „Una“, d.o.o. Bihać („Službene novine Federacije BiH“ broj: 58/09 i 31/14; u daljem tekstu Javno preduzeće), Nadzorni odbor Javnog preduzeća, na prijedlog direktora na 2. sjednici održanoj 20. decembra 2018. godine, d o n o s i

O D L U K U

o uvjetima i načinu organizacije sportsko - rekreativnih aktivnosti
na vodenim tokovima u području Nacionalnog parka „Una“ za 2019. godinu

Član 1.

Ovom Odlukom uređuju se pitanja od značaja za organizaciju sportsko - rekreativnih aktivnosti na vodenim tokovima u području Nacionalnog parka „Una“ Bihać i to: rafting, kajakaštvo, kanu, podvodne aktivnosti (ronjenje) i druge dozvoljene sportsko-rekreativne aktivnosti.

Član 2.

Organizacijom sportsko - rekreativnih aktivnosti iz člana 1. ove Odluke mogu se baviti pravna i fizička lica koja imaju potpisani Ugovor sa Upravom JP Nacionalni park „Una“ d.o.o. Bihać i koja su registrirana kod nadležnih organa za pružanje ove vrste usluga posjetiteljima, kao i posjetitelji koji plovidbu vrše u vlastitoj organizaciji.

Posjetitelji koji imaju namjeru plovidbu organizirati samostalno u vlastitoj organizaciji, moraju ispuniti određene uvjete propisane Pravilima o uvjetima i načinu organizacije sportsko-rekreativnih aktivnosti na vodenim tokovima u području Nacionalnog parka „Una“ za 2019. godinu.

Član 3.

Sastavni dio ove Odluke čine Pravila o uvjetima i načinu organizacije sportsko - rekreativnih aktivnosti na vodenim tokovima u području Nacionalnog parka „Una“, a u skladu sa odredbama Zakona o Nacionalnom parku „Una“ i Zakona o unutrašnjoj i pomorskoj plovidbi Federacije BiH i drugih propisa koji reguliraju vršenje ovih aktivnosti.

Član 4.

Pravna i fizička lica iz tačke 2. ove Odluke su dužna uplatiti novčanu naknadu na bankovni račun Javnog preduzeća Nacionalni park „Una“ d.o.o. Bihać u roku od tri dana od dana izvršene usluge odnosno završetka posjete području Nacionalnog parka „Una“. Plaćanje se može izvršiti i u gotovini u naplatnim i info kućicama. Naknade se plaćaju u iznosima:

- 12,00 KM (dvanaest KM) za svakog posjetitelja u plovilu - korisnika usluga na dionici Štrbački buk-Lohovo,
- 6,00 KM (šest KM) za svakog posjetitelja u plovilu - korisnika usluga na dionici Martin Brod Kulen Vakuf,
- 12,00 KM (dvanaest KM) za svakog posjetitelja ronjoca koji vrši podvodne aktivnosti u rijeci Uni na dionici Martin Brod - Lohovo.

Član 5.

Svakom posjetitelju koji upražnjava sportsko-rekreativne aktivnosti na vodenim tokovima u području Nacionalnog parka „Una“ Javno preduzeće je dužno izdati ulaznicu (ulaznica za rafting, kajak, kanu, ronjenje). Na dan plovidbe, posjetitelj ulaznicu za plovidbu vodenim tokovima može koristiti i za posjetu drugim dijelovima Nacionalnog parka „Una“, a gdje se vrši naplata ulaza (posjetilačke zone Štrbački buk-Lohovo i Martin Brod).

Član 6.

Pravna lica koja se bave organizacijom sportsko - rekreativnih aktivnosti na vodenim tokovima u području Nacionalnog parka „Una“, a koja nisu izmirila finansijske obaveze po pitanju naknada za plovidbu (rafting i kajak) na vodenim tokovima iz prethodnih godina prema JP Nacionalni park „Una“ d.o.o. Bihać, neće biti dozvoljeno obavljanje djelatnosti iz člana 1. ove odluke u 2019. godini sve do momenta izmirenja dugovanja.

Član 7.

Ova Odluka stupa na snagu danom donošenja, a primjenjivati će se za kalendarsku 2019. godinu.

Predsjednik Nadzornog odbora

prof. Saša Sokač